

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Historia Zaringo Badensis

Schöpflin, Johann Daniel

Carolsruhae, 1765

CCCXLI.

[urn:nbn:de:bsz:31-295125](https://nbn-resolving.org/urn:nbn:de:bsz:31-295125)

CCCXLI.

RUDOLPHUS MARCHIO HACHBERGENSIS A SIGIS-
MUNDO IMP. INVESTITURAM LANDGRAVIATUS
ALIORUMQUE IMPERII FEUDORUM OBTINET.

ANNO MCCCCXIV.

Ex Authent.

Wir SIGMUND von Gotes Gnaden Römischer König zu allentziten
merer des Reichs und tzu Vngern Dalmacien Croacien &c. König
bekennen und tun kunt offembar mit disem Brief, allen den die In sehen,
oder hören lesen, daz fur uns komen ist, der Wolgeborn Marggraf Rudolff
von Hochberg Herre tzu Röteln und tzu Susenberg, unser Rate und Lieber
getruer, und hat uns diemietiglich gebeten daz wir Im dise nachgeschriben
Lehene mit namen die Lantgrafschaft In Brisgow, mit Lantgerichten Hoch-
gerichten Manschaften und Wiltbennen, dortzu gehörenden und ouch alle
und igliche andere sin Lehene Lehenscheffte, Manscheffte, Lande und Lüte,
die von uns und dem heiligen Reiche tzulehen ruren, mit allen und iglichen
Iren Rechten und tzugehorungen tzuerlihen gnediglich geruchen. Des ha-
ben wir angesehen solich sin redliche Bete und ouch getrewe, flißig und willig
dienste die des vorgehenden Marggraf Rudolffs Vordern unsern Vorfaren an
dem Reiche oft und dick unuerdroffenlich getan haben, und Er uns und
dem Reiche teglichen tut und surbaz tun sol und mag in kunstigen tziten,

Cod. Dipl. P. II.

K

und haben Im darumb mit wolbedachtem mite gutem Rate unser und des Riche Fürsten, Edeln und getruen, und rechter wissen die vorgehent Lantgrafschaft mit Lantgerichten, Hohengerichten Manschefften und wiltbennen tzu derselben Lantgrafschaft gehörenden und dortzu alle und igliche sinr Lehene, Lande und Lute mit allen und iglichen Iren Rechten nützen und tzugehörungen, und mit allem dem daz wir Im doran von Rechtswegen verlihen sollen oder tzuuerlihen haben gnediglich verlihen, und verleihen Im ouch die von Römischer kuniglicher macht in craft diß Brieffs von Im und sinen Lehenserbenn tzu haben, tzuhalten und tzubestitzen, und die ouch alsofft des not wirt von uns und unsern nachkomen tzuemphahen, und davon tzu dienen und tzu tunde als recht und gewonlich ist, doch unschedlich uns und dem Riche an unsern Diensten und an unsern und unser und des Riche Mannrechten. Vnd der oftgenent Marggraf Rudolff hat ouch doruf uns als einem Römischen Kunig Huldung gethan mit gelübde und eyde als gewönlich und billich ist. Mit Vrkunde diß Brieffs versigelt mit unserm Kuniglichen anhangendem Insigel Geben tzu Straßburg nach Cristi Geburt viertzehenhundert Jare und dor nach in dem vierzehenden Jare, an sant Margaretentag, unser Riche des Vngrischen Sc. in dem Acht undtzwentzigisten, und des Römischen in dem vierden Jaren.

||
(L.S.)

Per. D. Johem pptm de Strigonio
Vicecanc Michael Canc^o Wratif-
lauien.

=====